







粵垣譚屠 ○廣州訪事友人來函云自政府將九龍貨與英人彼處土人屢有互鬥之事日前粵省大憲委補用府富太守純候補縣張大令允武前往查探情形茲者二員業已回轅稟覆據云已彼此相安無事矣○調補順德縣王大令崧東裝赴任後特於某日履就官舫帶同巡船護勇至吉右拜會彼處紳士盜匪偵悉蜂擁而至開槍轟擊護勇不敢與敵各自奔逃盜匪遂將船上軍械財物搜掠一空○近日順德各村鄉盜案幾於無日無之匪首賴九甫十九歲其黨某姓祇十二齡每出行劫奮勇當先某日行劫某村被入拘獲搜其身畔懷有六門槍三枝旋解赴省垣稟官懲辦○順德府屬石井張王廟香火頗盛某日司祝備有銀數百兩堪繳租金事為盜匪偵知糾黨數十人於十五日夜間一擁入廟內將司祝縛縛銀兩衣物搜掠一空至翌日有人入廟燒香始將司祝解得投本處團練局控請緝拿○粵督譚制軍以河面盜賊橫行大為閭閻之害爰於日前札行海防善後局東按察司岑謂照得自西江及內河船隻往來盜劫之案層見疊出雖屢經嚴緝而破獲寥寥亟當善籌良法嚴飭各捕船巡汛弁分別界限地方巡緝以專責成查有魚雷船數艘棄置不用亦可分派各港密緝捕至各船戶無論輪船帆船必編列號數互相保結如無號數不許駛行果能嚴密巡查奸匪自不能混跡行兇行旅相安商賈日盛釐金亦自有起色矣局憲奉札後立即遵照辦理擬將魚雷船數艘分布東西北三江海口船隻往來必需查驗惟外洋輪船則歸稅務司稽查不在此例現擬先飭各船戶於搭客上船時不許帶有軍器過境兵勇帶有軍器者亦必先交船主收存至抵岸時發回倘有匪徒不服盤查許即擊送地方官嚴為懲辦倘船主不加意盤查被匪所算失事後定將船主究辦并將船扣去不准開行以警其餘似此嚴密防閑行劫之風或能稍息矣

工部局招辦水溝告白 ○啓者本局員欲招人承造必實得力即榔脚路起至上達厝前止水溝欲知詳細情形請到本局工部司署詢問便悉投票之期限至西六月八號拜四即華五月初一日下午四點鐘為止凡要承造者可寫函交本局司理人信面書明承造必實得力水溝字樣至工價之高低由本局員裁奪此佈 英一千八百九十九年五月卅一號 光緒己亥年四月廿二日 司理人夏里碧承命謹啟

丁部局給賞捉鼠告白 ○茲本局員特字曉諭各色人等知悉凡有捉得老鼠不論生或死携到工部局每頭給銀二占特此佈聞 大英一千八百九十九年五月卅一號 光緒二十五年四月廿二日 司理人夏里碧之命謹啟

辟疫潔淨藥水招售 ○敬啟者現因核症流行凡各舖戶宜用辟疫潔淨藥水沾濕屋內以便居人不虞茲本藥房製便頂上避疫潔淨藥水待沽每罐價銀五角 諸君光顧者請到土庫街四號門牌本藥房採買便是此佈 英一千八百九十九年五月卅一號 清光緒二十五年歲次己亥四月廿二日 元禮顯大藥房有限公司謹啟

代理宜安保險洋面告白 ○啓者本號代理香港宜安保險有限公司專保洋面輪船往來貨物保費相宜至遇賠償等事俱從妥速辦理準本月十四日起保諸翁 光顧請移 玉到土庫街門牌四十八號敝號賜教是荷謹此佈聞 光緒二十五年歲次己亥四月十三日 振城代理人萬榮號謹啟

新海院街拍賣館告白 ○敬啟者本館有承領禮伸專理拍賣諸事兼代理買賣屋宇并能按價凡有貨物欲行拍賣或買或賣本館却能代理所有銀項三日內便能交楚倘蒙諸商翁 賜顧者請到港仔口街五十六號門牌便是特此佈聞 光緒己亥年二月廿二日 本館主人謝德泰 拍賣及理事人勿慮謹啟

日理冥蘭創建慈慶寺延請土木石諸工匠告白 ○啟者本冥蘭我福建人等謀創建慈慶寺擬請土木石諸匠其寺之圖式務從引工之人繪成而來此寺圖式要二進并兩護厝方合體格其中工價及土木石料若干須當註明在繪圖之左方好結算和盤如有合式願承此舉者祈即繪明圖式到檳城老萬全領信然後到冥蘭萬德和公司內交黃瑞武手內投遞可也此告白定自四月初六日起至四月二十日止凡要入票之人可即到老萬全領信并將慈慶寺之二進兩護厝之圖式前來自當送其出入船費銀一十元俟至期將圖計閱擇其合宜者而用之如要用某匠某圖自當同覆明白倘如越期始到者仍係自誤雖到亦不支所費也特此聲明謹白 光緒己亥年四月初六日 慈慶寺總理黃瑞武告白

報窮告示 ○署理檳榔嶼報窮司轄 為曉諭諸色人等知悉茲因鍾天秀廣榮春報窮之事自一千八百九十八年臬署第五條案件今特字通知要將首次所繳銀項應還各債主爾等各色人有被鍾天秀廣榮春所欠賬項者可到報窮司署報明入字以便分攤限至英閏月一十五號即華五月初八日止爾各色人等如逾期不到入字者乃係自誤此大應離之份額不得追究先此佈 聞 大英一千八百九十九年閏月廿五號 請光緒己亥年四月廿六日

七傷死者四十三人 寒熱性來而死者三十一人 痘症喪命十八人 腳氣喪命十五人 瀉痢不救十七人 婦女則共斃六十九人云○船政司有示到各船東及船中司事云此後各船無論何埠將起旋時必須升黑旗半桅以便醫生到船察驗各客有否病症方准起程並現目下所有用過之洋毯及舊布破碎布料等項除行李外不准多帶分毫其一切毛料如牛皮馬皮豬毛雞鴨毛等亦一概暫即停止入口大抵恐其蘊蓄他處疫癘氣息防傳染也可云無微不至矣

河南劫案 ○河南龍導尾南約德利店生意暢旺為匪所垂涎月之初七免四更時候被匪十餘人撬門直入出鎗指嚇將所有銀物劫掠一空聞所失不實事主已開列失單赴地方稟請追緝現任龍路尾汛馮弁年少力強當善於捕盜未悉能否將案破獲也

江邊白鷺 ○廈門訪事人云得忌利士洋行各輪舟往來臺厦及香港汕頭福州五口獨擅利權無人與之爭奪已二四十年於茲矣自日本三井公司派輪船往來淡水厦門遂相與爭奪貨日下茶市初興過臺茶商數以萬計某日海龍輪船渡臺得忌利士行出告白每客祇收洋銀二元五角連路照使費在內三井公司亦出告白云禮拜一本行有輪船過臺每名祇收一元五角○外來流妓每在客棧賣娼憐憫察抵任後勒令棧主不准招留業於二月初十日札諭保甲局驅逐矣

意事近聞 ○意國索取三門灣日來絕無確信惟某西報云當意人索三門灣時本館某派人至三門灣及京師探聽消息見中國上自官場下至百姓得聞此信無不分外驚惶迨中國堅却不肯允則以為意國必不肯遠作罷論又有一番戰禍矣不知皆是絕無見識之言當意之索三門灣也未及細審形勢果否可作經商及屯兵之地迨有人論及此舉毫無益處意國政府遽幡然自悔欲另索一要隘以償之其所欲索者曰南天島世島附近舟山島羣島之冠去石浦六里許商務甚繁海灣可停泊兵商各輪船較三門灣勝百倍往歲甯波某報館曾將其地形勢繪圖謂為浙省扼要之處意人見之遂欣然有吞噬之意其索三門灣不過先為嘗試耳

沂州近信 ○天津國報云刻聞德人向中國總署索沂州教案賠款銀六萬兩并修理被毀之教堂至濟南府則須聘一德員為外交顧問官未悉總署允從與否又聞沂州所駐德兵現已撤去惟日照依然佔據前數日德兵曾與土人攻擊土人受傷二名至焚燬劉村四十家一事雖不知其確否然東撫則已電達總理衙門矣

香峴閱報 ○鄂督張制軍關心中外利病所有華洋報紙無不過目惟因公務勤勞目力鮮暇勢不能一覽無遺特飭通達時務之幕僚先將報內要事分別圈出然後呈閱可以伸紙了然是誠閱報善法也

英踞深圳城 ○英兵進踞九龍城昨已錄報茲聞港官先已奉有英廷密諭着令嚴守九龍深澳二城是以既派兵赴九龍後復分兵三隊於初七日突至深圳乘華軍無備踞其營汛即就城內豎立英旗據言英廷因華官辦理九龍新界多有背約失信故有是舉以示報復並聞九龍城居民見英兵猝至不知緣底事多有買舟逃入內地者是以該處民人猝爾稀少但英人之不動聲色撫有其地實免土匪煽惑抗拒致多傷人物則良民當早歸復業以免流離失所也

九龍問俗記 ○九龍土產以米為大宗其米多運往企山等處此外有種蔗種靛種麻種豆及荷蘭薯大薯芋頭之類現在英國農學師方試驗此處能種棉花否旋驗得水土極佳似應可種果爾則香港現創之織布局購棉花富亦較易矣水果則有柚柑橙荔枝梨石榴黃皮杜果等山脊及小山之下滿種菜蔬間有離水面一千三百尺之地能藝禾者大磨山之側離水面一千五百尺現方種茶及波羅大磨山毘連之地水草極佳最宜畜牧土人所養之牛止供耕田之用毛色軀幹多甚佳者至其多石之山則有鳳尾草長草或小樹林山間多杉樹人烟叢聚處多竹林惟居民之數尚未確知因華官向來不造丁冊也然約畧查問大概近十萬人之譜分六大團散處四百二十三村村之大小不等小者祇十人大者五千人迤東多大山鮮膏腴民亦畧少其氏之至多者為圓聖堡包括八鄉及十八鄉肥美之地在焉有村五十九居民二萬三千二百二十人迤西上虞洞地本遼闊有村一百八十二居民二萬八百七十人現計英人新租之地共三百七十六方里每方里有二百六十六人雖人數不繁或者此後當逐漸增益也民多業農亦有業漁者漁用網罟得魚則醃而售之獲利頗厚助路港產珠間有獲美珠者圓則可愛魚塘所畜之魚多鬻於香港歲以萬計深井村多養蠶并燒灰砲臺山灣等處各石灰窯俱由香港購煤以用大埔墟沙頭角沙田全灣平山等處亦俱有石灰窯香港所用石灰多講之於此此外有造磚者有鑿石者故居民建屋價頗便宜海濱多鹽田所產之鹽味極厚每歲收刈旋青時男女俱極忙碌馬士灣岸邊有一船廠附近全灣皆用水機製香者粵俗信神製此以為媚神之用此外又有製麻者有一村專製瓦器其泥即由村旁山中挖取聞其製法蓋昔有意國入教之云又一村多畜豬每年出口者甚夥其餘種杉養雞鴨蠶繭諸果不一而足計其地每年入息約十、六萬經費約需十二萬五千日下英人擬先借款充之但理藩院來文未經批准耳